

# ՍԵՊՏԵՄԲԵՐԻ 15-ԻՆ ՄԵԿՆԱՐԿՈՒՄ Է ՆՈՐ ՈՒՍՈՒՄՆԱԿԱՆ ՏԱՐԻՆ

2020-2021 ուստարին երկրում կսկսվի սեպտեմբերի 15-ին: Կսկսվի սակայն ոչ այնպես, ինչպես պատկերացնում էինք: Հինգ խոշոր քաղաքներում այն կսկսվի հեռավար մեթոդով եւ միայն հոկտեմբերի 1-ից երեսխաները կկարողանան դասերն անցկացնել դասասենյակներում: Իսկ մյուս բնակավայրերում, Վրաստանի կրթության, գիտության, մշակույթի ու սպորտի եւ առողջապահության նախարարությունների համատեղ մշակած հատուկ հանձնարարականների ուղղորդմամբ՝ ուստարին կմեկնարկի դասասենյակներից, առողջապահության նախարարության կամոնակարգերի սահմանած միջավայրում:

Թանկագին մանկավարժներ, ուսանողներ, դպրոցականներ, ծնողներ, շնորհավորում ենք նոր ուսումնական տարվա առաջին օրը: Ցանկանում ենք, որ այն ձեզանից յուրաքանչյուրի համար լինի արգասաբեր եւ ուղեկցվի նշանակալի հաջողություններով: Մեր առանձնահատուկ շնորհավորանքն ենք հղում առաջին դասարանցիներին, ովքեր միշտ կհիշեն իրենց աշակերտական կենսագրության առաջին օրը եւ առաջին դպրոցական զանգը: Վրաստանի կրթական ողջ համակարգի նպատակը երկրում բնակվող յուրաքանչյուր աշակերտի եւ ուսանողի լիարժեք կրթություն ստանալն է:

2020-2021 ուստարվա մեկնարկի կապակցությամբ Վրաստանի կրթության եւ առողջապահության նախարարությունները մշակել են հանձնարարականներ, որոնք պարտադիր կարգով պետք է պաշտպանվեն: Աշակերտների միջեւ պահպանել 1 մետր հեռավորություն: Շենք մուտք գործող ցանկացած անձի համար պարտադիր է կրել պաշտպանիչ դիմակ, բացառությամբ աշակերտի: Շենք մտնող ցանկացած անձ պետք է անցնի ախտահանիչ լուծույթով ներծծված գորգով, անցնի ջերամաշափում եւ ախտահանի ձեռքերը: Դպրոցներում պետք է լինի պաշտպանիչ դիմակների պահեստ: Սանիտարական հանգույցի մշակում յուրաքանչյուր դասամիջոցին: Հերթափոխների միջեւ կես ժամ ընդմիջում, դասասենյակների սանիտարական մաքրում եւ օդափոխում: Ձերմություն կամ շնչառական խնդիրներ ունեցող աշակերտների համար ժամանակավոր մեկուսացման սենյակի հատկացում: Սենյակների օդափոխում՝ դասաժամերի միջեւ՝ դասամիջոցներին: Հաճախ շոշափելիք մակերեսային սանիտարական մշակում: Դպրոցի ընդհանուր շահագործման տարածքում (այդ թվում՝ միջանցք, ուսուցչանոց եւ այլն) գտնվող ցանկացած անձ (բացառությամբ՝ աշակերտների) պետք է կրի պաշտպանիչ դիմակ, այդ թվում՝ դասամիջոցին: Ուսումնական գործընթացը ծրագրելիս՝ դպրոցները հնարավորություն կունենան: Սահմանել դասաժամի տեւողությունը (առնվազն 30 րոպե) սահմանել դասաժամի մեկնարկի գործընթացն ըստ դասարանների (08:30, 08:45, 09:00): Դպրոցներն հաշվի առնելով իրենց անվտանգությունը եւ ենթակառուցվածքը, կարող են ներդնել ուսման իրենց («հիբրիդային մոդել», այսինքն՝ ուսուցում ինչպես դասասենյակներում, այնպես էլ՝ հեռավար) մոդելը: Կրթության նախարարությունը դպրոցի տարածքում դասերի անցկացումը պարտադիր է սահմանել I-IV դասարանի աշակերտների համար: Դպրոցի վարչության կողմից անհրաժեշտության դեպքում խառը մոդել ներդնելիս՝ V-VI դասարաններում հեռավար ուսուցումը հնարավոր է շաբաթը առավելագույն մեկ օր, VII - XI դասարանի աշակերտների համար առավելագույնը երկու օր, իսկ XII դասարանցիների համար՝ առավելագույնը երեք օր: Ուսուցման խառը մոդել ներդնելու դեպքում, այն պետք է համաձայնեցված լինի Վրաստանի ԿԳ նախարարության հետ:

## ՆԻՆՈՇՄԻՆԴԱՅԻ ԴՊՐՈՑՆԵՐԸ ՊԱՏՐԱՍ ԵՆ ՆՈՐ ՈՒՍՏԱՐՎԱՆ



Ահա եւ մեկնարկում է ուսումնական տարին՝ երկարասպաս ու նորովի: Ցավոք, մեկնարկում է ոչ բոլոր դպրոցներում: Այս տարի արտասովոր է ամեն ինչ, որովհետեւ համավարակն իր պայմաններն է բեկարարում ահա արդեն երկար ու հոգնատանջ ամիսներ՝ չչորջանցելով մեր կյանքի թերեւս ամենակարեւոր օղակը՝ կրթությունը:

Մեր մունիցիպալիտետում վարակի տարածման վտանգն այս պահին չկա, ուստի Վրաստանի միջգերատեսչական համակարգող խորհրդի որոշմամբ, դպրոցներն իրենց աշխատանքը սկսում են սեպտեմբերի 15-ին, համեմայնդեպս, այս պահի դրությամբ, քանի որ ժամ առ ժամ կառավարության որոշումները ենթակա են փոփոխման ելնելով համաճարակային իրավիճակից: Իհարկե, բոլորին հայտնի են հանձնարարականները, որոնք կիրառվելու են առաջին ու հետագա օրերին, եւ մենք հնարավորինս պատրաստ ենք դրանց:

Մինչ երեխաները տանն էին, մունիցիպալիտետի շատ դպրոցներում աշխատանքը չէր դադարում: Այս տարի եւս Վրաստանի կրթության ու գիտության նախարարությունը տեղի դպրոցների կարիքները հոգալու համար հատկացրեց 560 հազար լարի: Առաջնային համարեցինք հուլիս կարեւոր դպրոցների սանհանգույցների կառուցումը եւ կամ վերանորոգումը: Մանավանդ, որ COVID-19-ի կանխարգելման նպատակով, մեծ ուշադրություն է դարձվում Վրաստանի բնակչության, այդ թվում՝ դպրոցական տարիքի երեխաների սանիտարահամավարակային անվտանգության ապահովմանը, հիգիենիկ նորմատիվների մշակմանը եւ կիրարկման կարգին ու պայմաններին: Այսպես, Նինոծմինդայի մունիցիպալիտետի մի շարք գյուղերի հանրակրթական դպրոցներում 2020 թվականին արդեն կառուցվել եւ մինչեւ սեպտեմբերի 29-ը շահագործման կհանձնվի Դուլալիսի, Մեծ Գոնդուրայի, Ժղանովկանի եւ Մեծ Խանջալիի սանհանգույցները: Ընթացքի մեջ է եւս 9 դպրոցի նախագծային հաշվարկ, եւ աշխատանքները կսկսվեն մոտ ժամանակներում: Իսկ չորսը գյուղերի՝ Մամգարայի, Հեշտիայի թիվ 1, թիվ 2 եւ Օրոջալարի դպրոցների սանհանգույց կառուցելու աշխատանքների համար մրցույթ է հայտարարված:

Այնպես որ, համաշխարհային այս ճգնաժամը փորձում ենք դրական տեսաչարժով արձանագրել:

Կրթական ոլորտի սիրելի ներկայացուցիչներ, հեռավար, թե՛ դասասենյակներում ուսումնական տարին մեկնարկում է: Ու չնայած նրա, որ 2020 թվականը չի դադարում ոչ դրական անակնկալներ մատուցել, առավել բան երբեք է մեզ ամրություն ու անսասան առողջություն է հարկավոր՝ խնայենք մեզ ու իրար՝ այս դժվար օրերը միասին հաղթահարելով:

ՆԻՆՈՇՄԻՆԴԱՅԻ  
Նինոծմինդայի քաղաքապետ

## ԱՆԱԼՑԻՒՄԻ ՄՈՒՆԻՑԻՊԱԼԻՏԵՏԸ 14 ՈՍԿԵ ՄԵԴԱԼԱԿԻՐ ՈՒՆԻ



Համավարակով պայմանավորված գլոբալ բնույթ կրող այս անորոշ օրերում իսկպես դժվար է նախորդ տարիների խանդավառությամբ շնորհավորել ուսումնական մեկնարկը, բայց եւ անհնար է շնորհակալ չլինել Վրաստանի կառավարությանը երկրում վարակի տարածումը հնարավորինս կանխարգելելու ու, այդուհանդերձ, ուսումնական մեկնարկը հայտարարելու համար:

Հիմա հերթը մերն է՝ Վրաստանի բոլոր քաղաքացիներին: Ուսումնական տարին սկսելու ենք անձնական պատասխանատվությամբ, եւ այս պարագայում ոչ միայն ուսուցիչը, այլեւ առաջինից տասներկուերորդ դասարանցին: Ախալցխեի մունիցիպալիտետում 13 հայկական դպրոց է գործում: Նոր ուսումնական տարվա առաջին դասարանցիների ընդհանուր թիվը այս տարի 123 է:

Ուրախությամբ ուզում ենք փաստել, որ նախորդ ուստարվա 77 շրջանավարտներից 14-ը ոսկե մեդալակիր է, 3-ը՝ արծաթե: Չնայած հեռավար ուսուցման որոշակի խափանումների, մեր մունիցիպալիտետից 2020 թվականի Ազգային միասնական քննություններին մասնակցած դիմորդներից 31-ն արդեն ուսանող է, իսկ 3-ը բարձրագույնը Հայաստանում են շարունակելու: Մնացածներն իրենց բարձրագույն կրթությունը ստանալու են Վրաստանի տարբեր բուհերում: Ուրախությամբ նշենք, որ ուսանողներից 15-ը հարյուր տոկոսանոց դրամաշնորհ են ստացել: Շատ կուզեի թվել նրանց անունները. նախ՝ որպես խթան մյուսների համար, եւ հետո, ո՞վ գիտի՝ ապագայում քանիսն են ծառայելու մեր երկրին, ու ո՞ր բնագավառում կհանդիպենք նրանց անուններին: Այսպես, վրացական բուհերում Ախալցխե քաղաքի թիվ 3 հանրային դպրոցից 9 շրջանավարտ ուսանելու է անվճար՝ Մերուժան Թադեոսյանը, Անժելա Ոսկանյանը, Օֆելյա Գրիգորյանը, Սուսաննա Գրիգորյանը, Հռիփսիմե Եղյանը, Լեւոն Պետրոսյանը, Լարիսա Առաքելյանը, Մարգարիտա Տիմոյանը, Սերգեյ Մուրադյանը, Ծուղրուբ գյուղի հանրային դպրոցից չորս շրջանավարտ՝ Խորեն Կարապետյանը, Ալիսա Պապոյանը, Վարդուհի Բաղդասարյանը, Լիանա Ինժոյանը, Սազել գյուղի հանրային դպրոցից՝ Անայա Նահապետյանը, իսկ Փոքր Պամաճից մեկ աշակերտ՝ Կարեն Նազարեթյանը: Հուսով ենք, համավարակը առավել կպարտադրի ձեզ արժանի մասնագետ դառնալ, մենք չգիտենք, թե կյանքի ո՞ր հատվածում՝ ի՞նչ մարտահրավերի առաջ կկանգնենք, եւ միզուցե՛ք հենց մեր գիտելիքը կրթության կարեւոր գեներ խնդրի հաղթահարման ճանապարհին:

Շնորհավոր, նոր ուսումնական տարի, նվաճումներ, ձեռքբերումներ եւ բարի ծառայություն ձեր օրրանին ու երկրին:

ՈՒՐԵՆ ԿԱՐԱՊԵՏՅԱՆ  
Ախալցխեի մունիցիպալիտետի փոխքաղաքապետ

## ՊԱՐՏԱԴԻՐ ՀԱՆՁՆԱՐԱՐԱԿԱՆՆԵՐ՝ ՀԱՆՐԱՅԻՆ ԴՊՐՈՑՆԵՐԻՆ

2020-2021 ուստարվա մեկնարկի կապակցությամբ Վրաստանի կրթության եւ առողջապահության նախարարությունները մշակել են հանձնարարականներ, որոնք պարտադիր կարգով պետք է պաշտպանվեն: Աշակերտների միջեւ պահպանել 1 մետր հեռավորություն: Շենք մուտք գործող ցանկացած անձի համար պարտադիր է կրել պաշտպանիչ դիմակ, բացառությամբ աշակերտի: Շենք մտնող ցանկացած անձ պետք է անցնի ախտահանիչ լուծույթով ներծծված գորգով, անցնի ջերամաշափում եւ ախտահանի ձեռքերը: Դպրոցներում պետք է լինի պաշտպանիչ դիմակների պահեստ: Սանիտարական հանգույցի մշակում յուրաքանչյուր դասամիջոցին: Հերթափոխների միջեւ կես ժամ ընդմիջում, դասասենյակների սանիտարական մաքրում եւ օդափոխում: Ձերմություն կամ շնչառական խնդիրներ ունեցող աշակերտների համար ժամանակավոր մեկուսացման սենյակի հատկացում: Սենյակների օդափոխում՝ դասաժամերի միջեւ՝ դասամիջոցներին: Հաճախ շոշափելիք մակերեսային սանիտարական մշակում: Դպրոցի ընդհանուր շահագործման տարածքում (այդ թվում՝ միջանցք, ուսուցչանոց եւ այլն) գտնվող ցանկացած անձ (բացառությամբ՝ աշակերտների) պետք է կրի պաշտպանիչ դիմակ, այդ թվում՝ դասամիջոցին: Ուսումնական գործընթացը ծրագրելիս՝ դպրոցները հնարավորություն կունենան: Սահմանել դասաժամի տեւողությունը (առնվազն 30 րոպե) սահմանել դասաժամի մեկնարկի գործընթացն ըստ դասարանների (08:30, 08:45, 09:00): Դպրոցներն հաշվի առնելով իրենց անվտանգությունը եւ ենթակառուցվածքը, կարող են ներդնել ուսման իրենց («հիբրիդային մոդել», այսինքն՝ ուսուցում ինչպես դասասենյակներում, այնպես էլ՝ հեռավար) մոդելը: Կրթության նախարարությունը դպրոցի տարածքում դասերի անցկացումը պարտադիր է սահմանել I-IV դասարանի աշակերտների համար: Դպրոցի վարչության կողմից անհրաժեշտության դեպքում խառը մոդել ներդնելիս՝ V-VI դասարաններում հեռավար ուսուցումը հնարավոր է շաբաթը առավելագույն մեկ օր, VII - XI դասարանի աշակերտների համար առավելագույնը երկու օր, իսկ XII դասարանցիների համար՝ առավելագույնը երեք օր: Ուսուցման խառը մոդել ներդնելու դեպքում, այն պետք է համաձայնեցված լինի Վրաստանի ԿԳ նախարարության հետ:

## Կողմնակի գնահատում

Երեխան, առաջին դասարան ընդունվելով, դառնում է մեծ սոցիալական կառույցի՝ դպրոցի մի մասնիկը: Նրա վարքը, առաջադիմությունը եւ վրիպումները պարբերաբար գնահատման են ենթարկվում ինչպես համադասարանցիների, այնպես էլ՝ ուսուցիչների կողմից: Իսկ շրջապատողների ցանկացած կարծիք երեխան կարող է բավականին լուրջ վերապրել:

Որպեսզի երեխաներին հեշտ լինի համակերպվել դպրոցական կյանքին, ուշադրություն դարձրեք նրանց վարքին եւ ձեր վերաբերմունքն արտահայտեք դրա նկատմամբ: Հակառակ դեպքում, նրանք չեն հասկանա՝ ինչպես դրսևորեն իրենց: Այդուհանդերձ, գնահատեք ոչ թե երեխային, այլ նրա արարքը: Օրինակ՝ «Դու սարսափելի վատ ես

## ԱՌԱՋԻՆ ԱՆԳԱՄ՝ ԱՌԱՋԻՆ ԴԱՍԱՐԱՆ

գրում»-ի փոխարեն, ասեք. «Ես սրտենդում եմ, երբ դու չես ձգտում գեղեցիկ գրել»: Այդ ժամանակ երեխան ինքնուրույն կսկսի փոխել իր վարքը, որպեսզի համապատասխանի որոշակի նորմերի ու կանոնների:

**Լինել հավասար**  
Այժմ ձեր երեխան աշակերտ է: Նա դրանով շատ է հպարտանում եւ հարգալից վերաբերմունք է պահանջում իր նկատմամբ: Դուք էլ երեխային վերաբերվեք որպես մեծի՝ մի պարտադրեք, այլ խորհուրդ տվեք: Վստահ եղեք, նա դա կգնահատի:

**Աջակցություն**  
Երեխային կատարած հանձնարարության մասին ձեր կարծիքը մինչ կա-

սեք, հարցրեք, թե ինչպես է ինքն իրեն վերաբերվում: Բոլոր դեպքերում գտեք երեխային գովելու առավելագույնը պատճառ եւ միայն մեկը, որ կարելի է բարելավել եւ ինչպես: Այսպես չի տուժի երեխայի ինքնագնահատումը, եւ նա կձգտի հաջողության:

**Ձեր մասնակցությունը**  
Երեխան դպրոցից տուն է գալիս զգացողություններով լի: Ինչ-որ մեկը ներկայում է կամ ընդհակառակը՝ գովաբանել է: Ժամանակ գտեք դպրոցական նորությունները քննարկելու համար. ուշադիր լսեք ձեր տղային կամ աղջկան, զգացմունքով արձագանքեք: Եթե դուք խոսելու ժամանակ չունեք, երեխային այդ մասին անպայման ասեք:

Կիսականջ լսել, զուգահեռաբար այլ գործով զբաղվել պետք չէ, երեխան, միեւնույն է, կնկատի ու կտխրի: Ավելի լավ է պայմանավորվեք, որ կգրուցեք ընթրիքից հետո: Այս ձևով դուք կընդգծեք նրա ապրումների կարեւորությունը, եւ ձեր բոլոր գործերն ավարտելուց հետո կկարողանաք երեխայի հետ հանգիստ խոսել:

**Խորհուրդ մայրիկներին**  
\* Առաջին դասարանցին առնվազն 10-11 ժամվա քնի կարիք ունի: Գործունեության տեսակները եւս հաճախ փոխելու կարիք ունի, օրինակ՝ ակտիվ խաղից անցնել նկարչության կամ ծեփակերտման:  
\* Ցանկալի չէ երեխային առաջին օրերից երկարօրյա խմբում թողնել: Նրան նոր դերին ընտելանալու ժամանակ տվեք:  
ԿԱՐԻՆԵ ՍԱՆՈՒԿՅԱՆ

COVID - 19

# ԳԻՈՐԳԻ ԳԱԽԱՐԻԱ. «ՍԿՍՎՈՒՄ Է ՀԱՄԱՎԱՐԱԿԻ ԵՐԿՐՈՐԴ ԱՆԻՔԸ, ԹԵՏՎ ԽՈՒՃԱՊԻ ԱՌԻԹ ԶԿԱ, ԵՎ ԻՐԱՎԻՃԱԿԸ ԱՄԲՈՂՋՈՎԻՆ ՎԵՐԱՀՍԿՎՈՒՄ Է»

(Ակիզբը՝ 1-ին էջում)

Կորոնավիրուսով վարակման դեպքերի ավելացման կապակցությամբ վարչապետը կրկին անդրադարձավ սահմանափակումների թեմային՝ նշելով, որ առանձին սահմանափակումների վերացումը յուրովի խթանեց վարակի տարածումը: Մասնավորապես, թբիլիսիում անցկացված հարսանիքներից մեկի ժամանակ բացահայտվել է վարակման հինգ նոր պլաստեր:

- Ցավոք, գիտակցում ենք, որ սահմանափակումները մեր քաղաքացիների շրջանում առաջացնում են անհարմարություն, եւ բացառված չէ վրդովմունքը: Սակայն հատկապես շակամը նաեւ այն է, որ թբիլիսիում անցկացված հարսանիքներից մեկում (չեն նշի, թե որ ռեստորանում), փաստորեն հայտնաբերվեց վարակման հինգ նոր պլաստեր Ցագերիից, Քուբայիսիից, Ջուզգիդիից եւ այլն: Այնպես որ, այդ վայրերում հնարավոր է վարակման նոր ալիք: Սենք ստիպված ենք կրկին դիմել խստիվ միջոցների, արգելել ծիսակատարման միջոցառումները, որտեղ կլիներ տասից ավելի մարդիկ, - հայտարարեց Գիորգի Գախարիան:

Անդրադառնալով կորոնավիրուսի համավարակի պայմաններում ընտրական քարոզարշավի թեմային՝ վարչապետը նշեց, որ սահմանափակումները չեն առնչվում նախընտրական քարոզարշավին:

Միաժամանակ վարչապետը նշեց, որ կոնկրետ քայլեր են ձեռնարկվում նաեւ երկիր մուտք գործելու գործընթացի ոլորտում: Կոնկրետ, Գիորգի Գախարիայի խոսքով, երկիր մուտք գործելու պայմաններում պարտադիր կարանտինային պահանջը, 14 օրվա փոխարեն, այսուհետեւ կլինի 8 օր:

- Կարանտինի օրերը կրճատում ենք, որ-

պեսզի թեթևացնենք մեր քաղաքացիների, ինչպես նաեւ հյուրերի լրացուցիչ անհարմարությունը: Այս որոշմամբ մենք կրճատում ենք կարանտինի օրերի քանակը եւ ավելի շատ ազատություն ենք տալիս մեր քաղաքացիներին, որպեսզի ինչքան հնարավոր է շուտ եւ առողջ վերադառնան իրենց ընտանիքներ, - սասց Գիորգի Գախարիան՝ հավելելով, որ կարանտինի 9-րդ օրը, PCR թեստի բացասական արդյունքի դեպքում, քաղաքացիները կլքեն կարանտինային գոտին, սակայն 12-րդ օրը եւս մեկ PCR թեստ հանձնելու պարտավորություն կունենան:

Ինչպես ընդգծեց Գիորգի Գախարիան, Կրաստան մուտք գործող օտարերկրյա քաղաքացիները պարտավոր են PCR թեստի պատասխանը ներկայացնել 72 ժամվա ընթացքում: Այդ պահանջը տարածվելու է այն երկրների քաղաքացիների վրա, որտեղից մարդիկ ժամանել են վերադարձի հիմունքներով, այսինքն՝ նրանց համար սահմանափակումներ չեն սահմանվել:

- Սեպտեմբերի 15-ից Կրաստան մուտք գործող բոլոր օտարերկրացիները, ներառյալ նրանք, ովքեր փոխադարձ հիմունքներով պարտավոր չէին դա անել, եւ ովքեր ազատ մուտք էին գործում երկիր, պետք է իրենց հետ ունենան 72-ժամյա PCR թեստի պատասխանը, որն անհրաժեշտ է, որպեսզի մենք բոլորս, մեր գործընկերների եւ համագործակիցների հետ միասին, ապահովենք մեր քաղաքացիների, այդ թվում՝ հյուրերի առողջությունը եւ ավելի արդյունավետ կառավարենք վարակի տարածումը: Ես ուզում եմ մեկ անգամ եւս շեշտել, որ սա վերաբերում է այն երկրներին, որոնք փոխադարձության սկզբունքի սահմանափակումներ չունեն, դրանք մեր կողմից ներկայացնելու են նույն պահանջը, - հայտարարեց Գիորգի Գախարիան:

## ԷԿՍՏՐԻՆԵ ՏԻՎԱՐԱՋԵ. «ԽՈՇՈՐ ՔԱՂԱՔՆԵՐՈՒՄ ՈՒՆԵՆՔ ՀԻՔՐԻՂԱՅԻՆ ՄԵԹՈՂՈՎ ԴԱՍԸՆԹԱՑՆ ԱՆՑԿԱՑՆԵԼՈՒ ՀՆԱՐԱՎՈՐՈՒԹՅՈՒՆ»



Պարզաբանելով սեպտեմբերի 11-ին միջգերատեսչական խորհրդի կողմից ուստարվա մեկնարկը խոշոր քաղաքներում երկու շաբաթով հետաձգելու մասին ընդունած որոշումը՝ Կրաստանի առողջապահության նախարար Էկատերինե Տիկարաձեն հայտարարեց, որ հետաձգումը հիմնված է այն սկզբունքի վրա, որ մեծ քաղաքներում մարդկանց շարժունակությունը շատ ավելի բարձր է, եւ այստեղ համացանցի բարձր մակարդակի կապակցությամբ, հնարավոր է ուսուցումը սկսել հիբրիդային մեթոդով: Նրա խոսքով, մեծ քաղաքներում ուսումնական մեկնարկի հետաձգումը չի արգելակի ուսուցման ընթացքը:

- Բոլորին հայտնի է, որ վերջին յոթ ամսվա ընթացքում, սեպտեմբերի 11-ին վավերացվել է վարակումների ռեկորդային թիվ՝ 87: Երկրում, անցած ժամանակահատվածում մենք նշանակալի աշխատանքներ կատարեցինք, ինչպես հոսպիտալային, այնպես էլ՝ առաջնային առողջապահության մակարդակով, առանձին սահմանափակումները փոխհամաձայնությամբ վերացվեցին, ավելացվեց լաբորատորիայի հզորությունը, ինչը արտակարգ նշանակալից է աշխատում ծնունդ ժամանակահատվածների համար, երբ սպասելի է վարակման դեպքերի աճ, - հայտարարեց առողջապահության նախարարը:

## ՊԱՍՏԱ ԻՄԱՋԵ. «ՃԱՎՈՔ, ՄԵՐ ՔԱՂԱՔԱՅԻՆԵՐԻ ՄԻ ՄԱՍԸ ՄՈՌԱՅԵԼ Է ԿՈՐՈՆԱՎԻՐՈՒՄԻ ՄԱՍԻՆ»

«Իմեդի» հեռուստաալիքով իր ելույթում Կրաստանի հիվանդությունների վերահսկման եւ հասարակական առողջապահության ազգային կենտրոնի փոխտնօրեն Պաստա Իմանձեն երկրում կորոնավիրուսով վարակի դեպքերի ավելացումը առնչվեց հանձնարարականների չկատարման հետ եւ հայտարարեց, որ ցավոք, մեր քաղաքացիների մի մասը մոռացել է կորոնավիրուսի մասին:

- Եթե պահպանվեին տարրական խորհուրդները, որոնք այսքան ժամանակ տալիս ենք՝ սովորել ապրել վարակի հետ, հանրային հավաքատեղիներում, փակ տարածքներում դիմակ օգտագործել, պահպանել հեռավորություն... Վրացի ենք, բոլորս էլ եղել ենք հարսանիքի, իհարկե, հեռավորություն չես պահպանի, սակայն պարտադիր չէ հարսանիքը 300 հոգանոց լինի: Դրա արդյունքը կտեսնենք, - հայտարարել է Իմանձեն:

Նշենք, որ միայն վերջին երկու օրվա ընթացքում վավերացվել է համապատասխանաբար 57 եւ 87 վարակման դեպք: Թվերի կտրուկ աճը վարակաբանները կապում են թբիլիսիում եւ Բաթումիում անցկացրած հարսանիքների եւ խանութներում հակահամաճարակաբանական ցուցումների խախտումների հետ:



## ՊԵՏՔ Է ՊԱՏՐԱՍ ԼԻՆԵՆՔ ՀԱԶՈՐԴ ՀԱՄԱՎԱՐԱԿԻՆ ԶԳՈՒՇԱՅՆՈՒՄ Է ԱՌՈՂՋԱՊԱՀՈՒԹՅԱՆ ՀԱՄԱՇԽԱՐՀԱՅԻՆ ԿԱԶՄԱԿԵՐՊՈՒԹՅՈՒՆԸ

Առողջապահության համաշխարհային կազմակերպությունը զգուշացնում է, որ աշխարհը պետք է պատրաստ լինի հաջորդ համավարակին: «Սա չի լինելու վերջին համավարակը: Պատմությունը սովորեցնում է, որ համավարակները կյանքի մասնիկ են: Սակայն երբ կգա հաջորդ համավարակը, աշխարհը պետք է պատրաստ լինի դրան», - ասելով է կազմակերպության հայտարարության մեջ:



## ԿՈՐՈՆԱՎԻՐՈՒՄ. 28 ՄԻԼԻՈՆԻՑ ԱՎԵԼԻ ՎԱՐԱԿՎԱԾ, ՄԱՀԱՑԱԾՆԵՐԻ ԹԻՎԸ ՄՈՏԵՆՈՒՄ Է 1 ՄԻԼԻՈՆԻ



Աշխարհում COVID-19-ի հաստատված դեպքերի թիվն անցել է 28 330 միլիոնը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 913 935 հազարը: Ապաքինվել է 20 միլիոն 346 021 մարդ:

Կիրուսով վարակվածների թվով աշխարհում առաջին տեղում է գտնվում ԱՄՆ-ը, որտեղ հաստատված 6 588 181 դեպք կա: Այստեղ մահացածների թիվը 196 331 է: Երկրորդ տեղում Զնդկաստանն է, որտեղ հաստատված դեպքերի թիվը հասել է 4 562 414-ի, մահացածների՝ 76 304-ի:

344 մարդ: Կոլումբիայում վարակվել է 694 664, վարակի հետեւանքով մահացել՝ 22 275 մարդ: Կոլումբիային հաջորդում են Մեքսիկան, Զարավալին Աֆրիկան, Իսպանիան եւ Արգենտինան:

Չայաստանում, ընդհանուր առմամբ, վարակվածների թիվը հասնում է 45 503-ի, մահացածներինը՝ 909-ի, ապաքինվածներինը՝ 41 434-ի:

Ադրբեջանում վարակվածների թիվը կազմում է 37 874 մարդ: Վարակից մահացել է 556, ապաքինվել՝ 35 269 մարդ:

Սեպտեմբերի 11-ի տվյալներով, Կրաստանում վարակվել է 1 917, մահացել՝ 19, ապաքինվել՝ 1354 մարդ:

## ԱՐԳԵԼՔՆԵՐ, ՈՐՈՆՔ ԿՐԿԻՆ ԿԳՈՐԾԱՐԿՎԵՆ ՎՐԱՍՏԱՆՈՒՄ

Վերջին օրերին Կրաստանում կորոնավիրուսով վարակի դեպքերի ավելացման պատճառով, կառավարությունում գործող միջգերատեսչական խորհուրդը մի քանի սահմանափակող որոշումներ ընդունեց, որոնցից երկուսը ուժի մեջ մտան անմիջականորեն.



Մասնավորապես, սեպտեմբերի 10-ից Կրաստանում արգելվում է ծննդյան տոների, հարսանիքների, թաղման եւ այլ ծիսական արարողությունների անցկացումը: Արգելքը վերաբերում է ինչպես փակ, այնպես էլ՝ բաց տարածքներում միջոցառումներ անցկացնելուն:

Ընդունած որոշման մեջ կառավարության պարզաբանմամբ՝ անուսուրությունն ինքնին որպես իրադարձություն չի արգելվում, եւ սահմանափակումները տարածվելու են միայն միջոցառման տոնակատարությանը վերաբերող մասի վրա: Մասնավորապես, հարսանիքի մասնակիցների թիվը չպետք է գերազանցի 10-ը: Ծննդյան, տոնակատարությունների, թաղման եւ այլ հասարակական միջոցառումների մասնակիցների թիվը եւս պետք է լինի ոչ ավելի, քան 10 մարդ:

Սեպտեմբերի 10-ից ուժի մեջ է մտնում նաեւ երկրորդ արգելքը, ըստ որի, բաց տարածքներում արգելվում է 200 մարդուց ավելի սպորտային եւ մշակութային միջոցառումների անցկացումը: Արգելվել է գիշերային ակունքների գործունեությունը ինչպես փակ, այնպես էլ՝ բաց հրապարակներում, մինչեւ հոկտեմբերի 1-ը հետաձգվում է կինոթատրոնների եւ թատրոնների բացումը, հոկտեմբերից շուտ չի վերականգնվի նաեւ մանկական ժամանցի կենտրոնների աշխատանքը:

Մինչեւ հետաձգվում է մանկապարտեզների ուսումնական տարվա մեկնարկը, պահպանվում է հասարակական տրանսպորտում դիմակներ կրելու պարտադիր պահանջը: Կառավարության հայտարարության համաձայն, կանոնակարգերը չպահպանելու համար կգործեն համապատասխան պատժամիջոցներ, եւ անհրաժեշտ է, որ հասարակությունը ցուցաբերի բարձր քաղաքացիական պատասխանատվություն:

ՀԱՅԱՍՏԱՆԵ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՀԱՅԱՍՏԱՆՈՒՄ ԶՈՐՍ ԱՄՍՈՎ ՍԱՀՄԱՆՎՈՒՄ Ե ԿԱՐԱՆՏԻՆ

Հայաստանի կառավարության որոշմամբ, 2020թ. սեպտեմբերի 11-ից 2021 թվականի հունվարի 11-ը ներառյալ, երկրում սահմանվել է կարանտին:

Ինչպես ասված է պաշտոնական հաղորդագրության մեջ, վերոնշյալ որոշումն ընդունվել է՝ հաշվի առնելով այն, որ Առողջապահության համաշխարհային կազմակերպությունը 2020 թվականի մարտին հայտարարել էր կորոնավիրուսային հիվանդության (COVID-19) պայմանավորված համավարակ, եւ

ամբողջ աշխարհում համավարակային իրավիճակը շարունակում է մնալ լարված: Այն, որ Հայաստանում եւս հիվանդությունը ստացել է լայնածավալ տարածում, եւ երկրում առաջացել է համավարակ՝ հիմք հանդիսանալով արտակարգ իրավիճակի առաջացման, հաշվի առնելով նաեւ Առողջապահու-

թյան համաշխարհային կազմակերպության նախագուշացումը համավարակի երկրորդ ալիքի վտանգի մասին, կարեւորելով բնակչության առողջության պահպանման եւ առողջական վիճակի բարելավման նպատակով համապատասխան կանխարգելիչ ու հակահամավարակային միջոցառումներ իրականացնելու անհրաժեշտությունը, ընդունվել է որոշում կարանտին հայտարարելու մասին:

ԿԱՐԱՆՏԻՆԻ ՊԱՅՄԱՆԱՎԱՐՈՎ ԵՎ ՆԱԽԱՏԵՍՎԱԾ ՍԱՀՄԱՆՎՈՒՄՆԵՐ

Հայաստանում կարանտին սահմանելու կառավարության որոշման հավելվածում ներկայացված են կարանտինի ընթացքում կիրառվող սահմանափակումներն ու միջոցառումները:

Մասնավորապես, հանրային միջոցառումները թույլատրվում են միայն հետեւյալ սահմանափակումներով՝ տոնական եւ հիշատակի միջոցառումները, ներառյալ՝ ծննդյան (տարեդարձի), հարսանյաց (նշանադրության) միջոցառումները, հոգեհանգստի եւ հուղարկավորության արարողությունները՝ 60-ից ոչ ավելի անձանց մասնակցությամբ. անձանց սոցիալական, մշակութային, կրթական, սպոր-

տային կամ այլ ժամանցային կարիքների բավարարման ուղղված այլ միջոցառումները (այդ թվում՝ համերգները, ցուցահանդեսները, ցուցադրությունները, թատերական ներկայացումները, կրթական այլ միջոցառումներ), եթե վերջիններս տնտեսական գործունեության տեսակներ չեն, 60-ից ոչ ավելի անձանց մասնակցությամբ: Տնտեսական գործունեության առանձին տեսակների,

ծառայությունների մատուցման եւ տնտեսական գործունեությամբ չզբաղվող կազմակերպությունների գործունեության իրականացումը թույլատրվում է միայն լիազոր մարմնի կողմից սահմանված համապատասխան սանիտարահամավարակային անվտանգության կանոնների պահպանված լինելու դեպքում: Բոլոր ուսումնական հաստատություններում եւ արտադրողական դաստիարակություն իրականացնող կազմակերպություններում ուսումնական գործընթացը կարող է իրականացվել միայն լիազոր մարմնի կողմից սահմանված

համապատասխան սանիտարահամաճարակային անվտանգության կանոնների պահպանված լինելու դեպքում: Հավաքներ կազմակերպել, անցկացնել եւ հավաքներին մասնակցել թույլատրվում է միայն սահմանված անհատական պաշտպանության միջոցների կիրառման ու անձանց միջեւ նվազագույնը 1,5 մետր հեռավորության պահպանման դեպքում: Բնակչության վայրի բնակելի տարածքից դուրս գտնվելիս եւ տեղաշարժվելիս՝ անձը հաստատող փաստաթղթի առկայությունը պարտադիր է:

ՆԻԿՈՒ ՓԱՆԻՅԱՆ. «ԵՐԿՐՈՒՄ ՍՈՑԻԱԼԱԿԱՆ ԵՎՆՈՒՄ ԶԿԱ»

(Սկիզբը՝ 1-ին էջում)

Կարծում եմ, որ հսկիչ դրամարկղային մեքենաներով (ՀԴՄ) առևտրի շրջանառության տվյալը կարող է այդ մասին վկայել, որովհետեւ մարդկանց կողմից արվող առևտրի մասին է: 2020-ի օգոստոսին, 2019-ի օգոստոսի համեմատ, ՀԴՄ շրջանառությունը նվազել է ընդամենը 2,5 տոկոսով: Ընդ որում, այս ցածր ցուցանիշին նոր ենք հասել, մարտից սկսած

այդ ցուցանիշը բարձր էր, այժմ նվազում է: Այս թիվն ինքնին պետք է վկայի, որ այո՛, ունենք խնդիրներ, բայց սոցիալական կոլապս եւ սոցիալական ճգնաժամ չունենք,- ասաց վարչապետը: Նրա դիտարկմամբ, Հայաստանում սոցիալական ճգնաժամ տեղի չի ունեցել նաեւ կառավարության քայլերի շնորհիվ, որովհետեւ հակաճգնաժամային ծրագրերի իրականացման շրջանում տնտեսություն է ներարկվել 163,4 մլրդ դրամ:



«ԻՄ ՔԱՅԼԸ» ՀԻՄՆԱԴՐԱՄԻ ԿՐԹԱԹՈՇԱԿՆԵՐ՝ ՇՆՈՐՀԱԼԻ ԵՐԻՏԱՍԱՐԴՆԵՐԻՆ



«Իմ քայլը» հիմնադրամն արտասահմանյան լավագույն համալսարաններում ուսանելու համար կրթաթոշակներ է շնորհել հայ երիտասարդներին:

« Ի մ ք ա յ լ ը » հիմնադրամի կրթաթոշակային ծրագրի 2020թ. 45 խազահ Աննա Յակոբյանը, «Իմ քայլը» հիմնադրամի գործադիր տնօրեն Գուրգենյանը, Հայաստանի կրթության, գիտության, մշակույթի եւ սպորտի նախարարի տեղակալ Արթուր Մարտիրոսյանը, Հիմնադրամի բարերարներ, Հոգաբարձուների խորհրդի անդամներ եւ տարբեր տարիների կրթաթոշակառուներ: Միջոցառման վայրի ընթացքում պատահական չի եղել. Օշականի մշակույթի պալատն այն տասը մշակութային տներից մեկն է, որ ընդգրկված է «Իմ քայլը» հիմնադրամի «Մարզային մշակութային հաստատությունների հզորացում եւ համայնքներում նրանց դերի վերաիմաստավորում» ծրագրում: Ծրագրով նախատեսվում է մշակույթի տների ենթակառուցվածքների բարելավում ու մարդկային ռեսուրսների հզորացում:

800 ՄԻԼԻՈՆ ԴՐԱՄ՝ ՎԱՆԱԶՈՐ-ԱԼԱՎԵՐԴԻ-ԲԱԳՐԱՏԱՇԵՆ ԵՎ ՆԱԿՊԱՐՅԻ ՎԵՐԱՆՈՐՈՎՄԱՆ ՀԱՄԱՐ

Հայաստանի ճանապարհային անվտանգության բարելավման ծրագրի կատարման բնական ընթացքն ապահովելու նպատակով, Հայաստանի կառավարությունը ընդունեց համապատասխան որոշում:

Ըստ այդմ, նախատեսվում է Եվրոպական ներդրումային բանկի աջակցությամբ իրականացվող Մ6 Վանաձոր-Ալավերդի-Վրաստանի սահման միջպետական նշանակության ճանապարհի անվտանգության բարելավման դրամաշնորհային ծրագրի շրջանակում ՀՀ տարածքային կառավարման եւ ենթակառուցվածքների նախարարությանը հատկացնել 800 մլն դրամ:

Որոշման նպատակն է ապահովել Հայաստանի Հանրապետության եւ Եվրոպական ներդրումային բանկի միջեւ 2019թ. նոյեմբերի 27-ին եւ դեկտեմբերի 4-ին ստորագրված «Հայաստանի ճանապարհային անվտանգության բարելավման ծրագիր» Հարեւանության ներդրումային գործիքի ներդրումային դրամաշնորհային համաձայնագրի շրջանակում ընտրված կապալառու կազ-

մակերպու լ թյուններին կանխավճար տրամադրելու, ինչպես նաեւ նախատեսվող երկու նոր մրցութային գործընթացների արդյունքում ընտրված կապալառու կազմակերպությունների կանխավճարները տրամադրելու պատվիրատուի պարտավորության կատարումը:



ՀԱՅԱՍՏԱՆԻ ՆԱԽԱՎՈՐՈՒՄԻ ԱՆՎՈՐՈՒՄԻ

Սեպտեմբերի 10-ին Հայաստանի նախագահ Արմեն Սարգսյանը, որն իր արշակուրդի մի մասն անցկացնում է արտերկրում, Լոնդոնում հանդիպեց Միացյալ Թագավորության Եվրոպական հարեւանության եւ Ամերիկայի հարցերով մշտական նախարար Ուենդի Սորթոնի հետ: Հանդիպմանն անդրադարձ կատարվեց երկու երկրների միջեւ համագործակցության զարգացման ու խորացման հեռանկարներին: Ուենդի Սորթոնը նշեց, որ հաջորդ տարի Միացյալ Թագավորությունը նախատեսում է հյուրընկալել Կլիմայի փոփոխության 26-րդ գագաթաժողովը (COP26), որին ակնկալվում է նաեւ Հայաստանի մասնակցությունը: Իր հերթին, Արմեն Սարգսյանը անդրադարձավ Հայաստանում հաջորդ տարի նախատեսվող STARMUS 6-րդ միջազգային փառատունին, ամենամյա «Մտքերի հայկական գագաթաժողով»-ին եւ նախարար Սորթոնին իրավիճակի մասնակցելու այդ միջոցառումներին:

ՎՈՐՄԱՐՈՒՄԻ ՄԵՋ ԵՎ ՎՈՐՄԱՐՈՒՄԻ ԾՐԱԳՐԸ

Ինչպես արդեն հաղորդել ենք, Հայաստանում սկսեց գործել Հայաստանի վարչապետին առընթեր Սփյուռքի հարցերով գլխավոր հանչնակատարի աշխատակազմի նախաչեռնած սփյուռքահայ մասնագետներին երկրի կառավարման համակարգում տեղավորելու «Ի Գործ» ծրագիրը: Առաջին փուլի արդյունքներով, թվով 24 մասնագետներն արդեն Հայաստանում են: Կանադայի, Դանիայի, Ռուսաստանի, Լիբանանի, Ֆրանսիայի, Նորվեգիայի մինչեւ Իսրայել, Նիդերլանդներ ու Չինաստան նրանք արդեն միացել են Հայաստանի կառավարության աշխատանքներին: Ընդհանուր առմամբ, շուրջ 100 մասնագետներ սփյուռքի կհամալրեն պետական կառավարման համակարգը՝ բերելով իրենց հետ արտասահմանյան փորձն ու խորացնելով թե՛ գործընկերների, թե՛ իրենց մասնագիտական գիտելիքները:

ՄՓՈՒՎԵՅԻ ԱՔՄԵՆԱՆՈՒՄԻ ԱՅԿՈՒՄԻ ԳՐԱՄԱՐՈՒՄԸ ԵՎ ՄԱՐԿԵՏԻՆԳԻ ԿՐԹԱԹՈՇԱԿՆԵՐԸ

«Հայաստան» համահայկական հիմնադրամն ամփոփեց «Անհեղափոխ օգնություն լիբանանահայերին» դրամահավաքարշավը, որի արդյունքում հավաքագրվել էր շուրջ 312 000 ԱՄՆ դոլար: «Հանգանակությունը փոխանցելիս՝ դրամահավաքարշավին միացավ նաեւ «Տաշիր» բարեգործական հիմնադրամը՝ նվիրաբերելով 100 000 ԱՄՆ դոլար: Այսպիսով, հավաքագրված գումարը կազմում է 412 000 ԱՄՆ դոլար, որից 310 000 դոլարը համամասնաբար բաշխվում է Լիբանանում գործող կրթական հաստատությունների ուսուցիչների 2020-2021 թթ. ուսումնական տարվա 1-ին եռամսյակի աշխատավարձ վճարելու նպատակով: Ավելացված 100 000 դոլարը կտրամադրվի կրթական ծրագրերի իրականացմանը: Միեւնույն ժամանակ, հավաքագրված գումարից 13 000 դոլար կտրամադրվի Լիբանանում գործող «Արարատ», «Զարթոնք», «Ազդակ», «Վանա չայն», «Ռադիո Սեւան» լրատվամիջոցներին», - ասված է հաղորդագրության մեջ:

ԳՐԱՄԱՐՈՒՄԻ ԱՔՄԵՆԱՆՈՒՄԻ ԵՎ ՄՓՈՒՎԵՅԻ ՎՈՐՄԱՐՈՒՄԻ ԳՐԱՄԱՐՈՒՄԸ ԵՎ ՄԱՐԿԵՏԻՆԳԻ ԿՐԹԱԹՈՇԱԿՆԵՐԸ

Սեպտեմբերի 8-ին Երեւանի ընդհանուր իրավասության դատարանը անդրադարձավ Հայաստանի երկրորդ նախագահ Ռոբերտ Քոչարյանի պաշտպան Հայկ Ալունյանի դատարկոչի ցուցակում ներառված 102 հոգուն՝ որպես գործով վկա հրավիրելու միջնորդությանը: Մեղադրող կողմը ոչ հիմնավոր համարեց պաշտպանների ներկայացրած փաստաթղթերը եւ առարկեց միջնորդության դեմ: Դատական նիստին փոփոխվեցին նաև նրանց ներկայացուցիչները չեն ներկայացել:

ԵԿԵՂԵՑԱԿԱՆ

ՍԵՂՏԵՄԲԵՐ

13.09.2020 Խաչվերաց



Խաչվերացը Հայ եկեղեցու հինգ տաղավար տոներից վերջինն է: Հայաստանյայց եկեղեցուն Խաչվերացը տոնում են սեպտեմբերի 11-17-ն ընկած ժամանակահատվածում համդիպող կիրակի օրը: Սուրբ Խաչը տոնվում է ի հիշատակ Տիրոջ խաչափայտի պարսկական գերությունից Երուսաղեմ վերադարձի եւ Գողգոթայում կանգնեցման: Այստեղից էլ տոնը կոչվում է Խաչվերաց:

Տոնի նախօրեին՝ շաբաթ օրը, կանայք խնորեղեն են պատրաստում, տղամարդիկ՝ ուլ մորթում ու գորովի պատրաստում:

Շատ տեղեր Խաչվերացը՝ «Սըբխեջը» ընկալում են որպես աշնանամուտ: Ինչպես ասում էին քեսապցիները՝ «Խաչ, վերմակը առ, ներս փախիր»,- այսինքն՝ բացօթյա գիշերողներն այլեւս տանն են գիշերում:

Խաչվերացի հաջորդ օրը մեռելոց է: Այդ օրը եկեղեցիներում մատուցվում է Սուրբ պատարագ, կատարվում է հոգեհանգստյան կարգ, որից հետո այցելում են հանգուցյալների շիրմներին:

ՄԱՅՐԱՔԱՂԱՔ

ՄԱՆԿԱԿԱՆ ՓԱՌԱՏՈՆԸ՝ ԻՐԱԿԱՆԱՑՎԱԾ ԾՐԱԳՐԵՐԻ ԱՏՈՒԳԱՏԵՍ

Սեպտեմբերի 5-ին, Թբիլիսիի քաղաքապետարանի աջակցությամբ, Մուշտայիդի այգում անցկացվեց Թբիլիսիի մանկական փառատոն, որի շրջանակներում ծնողներին հնարավորություն տրվեց մասնակից ընկերություններից հատուկ ծառայություններ ստանալ հատուկ գնով:

Բացի այդ, նրանք ծանոթացան տարբեր նորությունների հետ, իսկ երեխաները մասնակցեցին զվարճալի ու ստեղծագործական գործունեությանը:

Փառատոնի գործողությունները բաժանված էին վեց զոտոուն՝ մարզական, կրթության, առողջության, զվարճանքի, մանկական ստարտապների եւ մշակութային:

Փառատոնի ընթացքում ներկայացվել են նաեւ սպորտի, արվեստի եւ կրթության ոլորտներում քաղաքային ծրագրեր:

Միջոցառմանը ներկա էր Թբիլիսիի քաղաքապետարանի մշակույթի, կրթության, սպորտի եւ երիտասարդության հարցերի վարչության պետ Իրակլի Գվիլավան:



ՏԱՐԱԾԱՆԵՐԱՆ

ԱՐՄԵՆ ՀՈԿԻԱՆՆԻՍՅԱՆԻ ՏԻԿՆԻԿԱՅԻՆ ԹԱՏՐՈՆԸ

ԱՆԱԼՔԱԼԱՔԻՈՒՄ ԵՎ ԱՆԱԼՑԻԽԵՌԻՄ



Թբիլիսիում գործող երիտասարդ, բեռն արդեն ճանաչում վայելող տիկնիկագործ Արմեն Հովհաննիսյանի տիկնիկային թատրոնը սեպտեմբերի 5-6-ը Ախալքալաքիում եւ Ախալցխիսեում անվճար ներկայացրեց երաժշտական հատվածներ տարբեր ներկայացումներից:

Նշենք, որ այս հյուրախաղերը տարածաշրջանում առաջինն էին 2018 թվականին հիմնադրված Արմեն Հովհաննիսյանի տիկնիկային թատրոնի գործունեության ընթացքում: Հյուրախաղերը կազմակերպվել էր «Արագախայերի միության» նախաձեռնությամբ եւ հովանավորությամբ, հասարակական ինտեգրման ծրագրի շրջանակներում:

ՄՊՈՐՏ

ՌԵԳԲԻ. ՎՐԱՍՏԱՆԸ ԽԱՂԱՆՈՒ Է 8 ԱԶԳԵՐԻ ՄՐՑԱՇԱՐՈՒՄ



Ինչպես տեղեկացրել է Վրաստանի ռեգբիի ֆեդերացիան, պաշտոնապես հաստատվել է, որ Վրաստանի հավաքականը նույնիսկ մասնակցելու է 8 ազգերի մրցաշարին, որի մասնակիցների թվում են

համաշխարհային ռեգբիի այնպիսի գրանդներ, ինչպիսիք են Անգլիան, Իռլանդիան, Ռուսլը եւ այլն:

Ավելացնենք, որ Վրաստանը հնարավորություն ստացավ մասնակցելու այս մրցաշարին այն բանից հետո, երբ ճապոնիան հրաժարվեց գալ Եվրոպա, կորոնավիրուսի համավարակով պայմանավորված: «8 Ազգերի» ղեկավարները թափուր տեղի համար բավականաչափ

ընտրություն ունեին: Սակայն վերջնական ընտրությունը կանգ առավ Վրաստանի վրա, որի համար մենք շատ շնորհակալ ենք «8 Ազգերի» միությանը: Շնորհակալություն նաեւ համաշխարհային ռեգբիին Վրաստանին աջակցելու համար»,- ասված է Վրաստանի ռեգբիի միության հայտարարության մեջ:

ՖՈՒՏԲՈԼ. ԽՈՍՏՈՒՄՆԱԼԻ ՄԵԿԱՆՐԿ

Վրաստանի եւ Հայաստանի ֆուտբոլի հավաքականները, Ազգերի լիգայի որակավորման երկրորդ տուրի շրջանակներում, «Ը» խմբում անցկացրին իրենց մեկնարկային առաջին երկու հանդիպումները: Առաջին փուլում Վրաստանի թիմը մրցակցի դաշտում 0:1 հաշվով առավելության հասավ Էստոնիայի հավաքականի նկատմամբ: Երկրորդ փուլում, Վրաստանի ազգային ընտրանին իր դաշտում ոչ-ոքի՝ 1:1 հաշվով ավարտեց իր մրցավեճը Հյուսիսային Մակեդոնիայի հավաքականի հետ:

Հայաստանի հավաքականն առաջին հանդիպումը անցկացրեց Հյուսիսային Մակեդոնիայի թիմի հետ, մրցակցի դաշտում եւ 1:2 հաշվով զիջեց տանտերերին, իսկ երկրորդ հանդիպումը սեփական հարկի տակ անցկացրեց հաջողությամբ եւ 2:0 հաշվով առավելության հասավ Էստոնիայի ընտրանու նկատմամբ:

Այսպիսով, խմբի մրցաշարային աղյուսակը երկու փուլերից հետո՝ 4-ական միավորով, գլխավորում են Վրաստանի եւ Հյուսիսային Մակեդոնիայի թիմերը: 3 միավորով նրանց հաջորդում է Հայաստանի հավաքականը: Աղյուսակը 0 միավորով եզրափակում է Էստոնիայի թիմը:

Երրորդ տուրի շրջանակներում Էստոնիան կմրցի Հյուսիսային Մակեդոնիայի հետ, իսկ Հայաստանի հավաքականը Երեւանում կխաղա Վրաստանի հետ: Խաղերը նախատեսված են հոկտեմբերի 11-ին:

11x11 grid with numbers 1-62 placed in various cells.

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Էջմիածին հոգեւոր կենտրոնը Աաշտոցի ժամանակ: 9.Առասպել «... եւ Բել»: 12.Ողջ, ամբողջ (ժող.): 13.Ե՛վ քաղաք, ե՛ւ լեռ Հայաստանում: 14. «Ամուշ» օպերայում Սարոյի առաջին դերակատարը ... Տայան: 15.Գյումրեցի հայտնի գուսան: 16.Անձնական դերանուն: 17.Կենդանու ոտք: 19. Շվեյցարիայի ոստանը: 20.Լորազգի բույս: 23.Համադասական շաղկապ: 24.Պարզ, զուլալ, վճիտ: 29.Աֆրիկյան լիճ: 30.Ախալքալաքիի Գանձայում ծնված հայ բանաստեղծ: 34.Գանայի սիրտը: 36.Գալիք, սպասվելիք: 38.Ե՛վ Վեռնոյը, ե՛ւ Բարբյուսը: 39.Շատ գեղեցիկ, չնաշխարհիկ: 40.Ե.Չարենցի երկերից «Լեռնիցն ու ...ն»: 42.«Վրաստանա գյոզալները» բանաստեղծության հեղինակ ... Հովնաթան: 44.Անվանի դերասան ... Գասպարյան: 47.Արաքս գետի անվանումներից: 48.Արեւմտահայ գրող Սիւսաննոյի ծննդավայրը: 50.Աչքը շոյող գույն: 52.«... արա, եզո» ժողովրդական երգ: 53... եւ տուր, առքուվաճառք: 55.Անշունչ իր: 57.Ներկա գտնվող: 58.Բայի ժամանակ: 59.Քաջ, անվախ: 60.Հանգստավայր Վրաստանում: 61.Օժվափնյա քաղաք Աբխազիայում: 62.Հովսեփ Վարդանյանի վեպը:

3.Թբիլիսիում ծնված կինոռեժիսոր Սերգեյ Փարաջանովի ֆիլմերից «Աշուղ ...»: 4.Ուրարտական արքա: 5.Վրաց թագուհի: 6.Իրանի բնակիչ: 7.Մեծի Տանն Կիլիկիո Կաթողիկոս: 8.Քաղաք Ռուսաստանում: 9.Հայ երիտասարդ երգիչ եւ կոմպոզիտոր: 10.Ժխտական նախածանց: 11.Թբիլիսահայ անվանի գրող ... Էլիբեկյան: 18.Վառ կարմիր: 21.Մաշտոցյան այբուբենի զինվոր: 22.Իմաստ արտահայտող հնչյունախումբ: 25.Տեսողության օրգան: 26.Հարավամերիկյան գետ: 27.Ֆրանսիացի հայտնի կոմպոզիտոր: 28.Արցախյան քառօրյային մկրտված ֆիլմ «... ու կռիվ»: 31.Համադասական շաղկապ: 32.Երաժշտական գործիք: 33.Ֆրանսիայի քաղաքամայրը: 35.Լեռնագագաթ Արեւմտյան Հայաստանում: 35.Թբիլիսահայ մեծ դրամատուրգ: 39.«Աշխարհ անցիր, Արարատի նման ճերմակ գագաթ ...» (Ե.Չարենց): 41.Թբիլիսցի կոյր գրող Օ.Թորգոմյանի պատմվածքներից «...ս զլխիդ»: 43.Ս.Եսենինի հայ հերոսուհին: 45.Երեխա, ժառանգորդ: 46.Հիվանդ, վատառողջ: 47.Ենիսեյի վտակներից: 49.Հացաբույսի տեսակ: 51.Թվաբանական գործողություն: 54.Բերդ-ամրոց Վրաստանի Ախալցխի քաղաքում: 56.Երկկենցաղ կենդանի: 59.Պոչ, տուտ:

ՈՒՂԱՆՅԱՆ. 1.Ձիմվորական փոքր խումբ: 2.«Արցախ» երաժշտության գործիքավորող ... Գեորգ:

ՆԱԽՈՐԴ ՀԱՄԱՐԻ ԽԱՉՐԱՈՒ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 4.Լատիշ: 7.Դողալ: 9.Տաղանդ: 11.Կարաչայ: 12.Սերգո: 15.Դասաեւ: 16.Խոժոռ: 17.Թակուն: 20.Մագերատի: 23.Վան: 24.Լղար: 25.Լեհուհի: 28.Կորաքանոն: 29.Ասկյար: 30.Մեա: 32.Չեթ: 34.Տապան: 37.Ալրմաղի: 38.Պարս: 39.Անհատ: 40.Ստրաբոն: 43.Կալի: 44.Ամիր: 45.Սրտին: 46.Վշտակից:

ՈՒՂԱՆՅԱՆ. 1.Մոլախոտ: 2.Մատարոր: 3.Վկայական: 4.Լիդա: 5.Տկար: 6.Շալո: 8.Լաչառ: 10.Ղաս: 13.Եկար: 14.Գյուտ: 17.Թերեք: 18.Կայուն: 19.Միջին: 20.Մայր: 21.Ալմաստ: 22.Շաղկապ: 25.Լացել: 26.Հայ: 27.Հոնեղ: 28.Կաթնատամ: 30.Մասիվ: 31.Արարատ: 32.Չամբիկ: 33.Թիկնոց: 35.Ակներ: 36.Ապակի: 41.Ամա: 42.Ոգի:

Խմբագրի տեղակալ ՅՈՒՐԻ ՊՈՂՈՍՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan.press@gmail.com

Գրանցման վկայական № 4 4 - 1439 «ԿՈԼՈՐ» հրատարակչություն

"ВРАСТАН" Тбилиси, Грузия <VRASTAN> Georgia, Tbilisi Индекс 66445